



**Quæstionum Canonicarum, In Quinque Libros  
Decretalium, Tomus ...**

In Librum V. Decretalium, Per Quadraginta, Et Unum Titulos Distributum,  
In quo agitur De Judicio criminali, exponendo primùm actiones in eo  
judicio instituendas, & suscipiendas, ...

**Schlüter, Georg**

**Augustæ Vindelicorum, 1709**

Articulus III. De Privilegiis Magistrorum & Discipulorum.

---

[urn:nbn:de:hbz:466:1-73064](#)

612 Not. 3. *Dare talem licentiam*, quando est actus jurisdictionis spiritualis (ut est constitutum Theologum pro Ecclesiis supra dictis, cui assignanda est præbenda Theologalis, à Superiore Ecclesiastico, quā tali) illicitum esse; cūm hoc prohibetur in c. *Quantò 3.* h.t. ibi, *dignos animadversione censemus, qui nomen Magistri Scholarum, & dignitatem assumant, & sine certo pretio Ecclesiasticis vi- rīs, docendi alios licentiam non impendunt.* Not. 4. In Clement. 2. & final. h.t. statutum esse, ut ii, ad quos ex officio spectat, *conferre Magisterium*, seu gradum Docto- ratus, prius à promovendo recipient jura- mentum, quōd in solemnitate, seu pro- motione sua, non exponent ultra summam trium millium Turonensium, hoc est, juxta computum gloss. hic, 250. aureorum, nisi sint altioris status, sed circa hoc raro est peri- culum, nisi forsan in casu, quo pecunia sup- plere debet *defectum scientia*. Ceterum hæc constitutio in pluribus locis, & Academiis est abolita, & usu non recepta.

## ARTICULUS III.

*De Privilegiis Magistrorum & Discipulorum.*

613 **L**equimur de privilegiis jure canonico in materia ipsius dispositioni subjecta, utrique docentium, ac discentium parti concessâ; qua tamen tangunt solos Clericos. Circa hoc Tridentinum Iess. 5. de Reform. c. 1. statuit, ac indulxit, ut Magis- tri docentes Sacram Scripturam (dum publi- cè in Scholis docuerint) & Scholarès (qui in ipsis studiis) privilegium omnibus de per- ceptione fructuum, præbendarum, & benefi- ciorum suorum, in absentia, à jure communi concessis, plenè gaudent, & fruantur. Hoc privilegio etiam gaudent docentes Theo- logiam, vel ius Canonicum, ac in eo stu- dentes. Sic Felinus in c. *super specula*. h.t. n. 2. cum communi. Imò etiam jure communi competit hoc privilegium do- centibus, & studentibus Juri Canonico; cum sit pars scientiæ divinæ, ut dicitur c. *Qua- liter 24.* de accusat. & sèpius appellatur *jus diuinum*, ut in c. *Nimis 30.* de jure juran- do c. 2. de privileg. in 6.

614 Not. autem 1. docentes, hoc privi- legio gaudere, quām diu docent; stu- dentes autem solo quinquennio, ut dicitur in Trid. cit. ad hoc autem requiritur, ut fre- quentent in studio generali, vel celebri Uni- versitate. Garcia de beneficiis p. 3. c. 2. n. 55. ex declaratione Cardinalium inter-

pret. Trid. Et hoc procedit etiam, si do- cens non sit membrum talis Universitatis, modò doceat cum hujus, vel Collegii Do-ctorum licentia. Garcia n. 60.

Not. 2. Illud privilegium de percipi- 615 en- dís fructibus in absentia studiorum causâ, non extendi ad distributiones quotidianas, quando hæc distinctæ sunt à fructibus præbendæ. Si autem omnes, vel ferè omnes fructus in distributionibus consistant, illis absen- tibus duea earum partes conceduntur; ter- tia retinet naturam distributionum, & ac- crescit prætentibus. Sic Fagnan. in c. fin. h.t. à n. 2.

His addenda videtur constitutio, seu 616 authentica Friderici Imperatoris, qua in- titulatur *Habita*. C. Ne filius pro Patre, qua est s. lib. 4. C. in tit. 13. & concernit omnes bonarum literarum Professores, & Studio- sos, de qua Oldendorpius in tract. de Jure Singulari c. 10. Rebuff. l. 1. de privil. Scho- lasticorum &c. In ea porrò Imperator sta- tim in principio dicit, ea, qua ibi statuit, habita super hoc diligent inquisitione Epi- scoporum, Abbatum, Ducum, omnium Judicium, & aliorum Procerum Sacri sui palati examinatione, *omnibus*, qui causa studiorum peregrinantur, Scholaribus, & maxi- mè divinarum, atque sacrarum legum Professoribus, hoc suæ pietatis beneficium indulgere. Deinde, post insignes omnino laudes Professorum cumprimit, tum etiam Scholarium ait: *Hac igitur generali, & in perpetuum valitûra lege decernimus, ut nullus de cetero tam audax inventiatur, qui ali- quam Scholaribus injuriam inferre presumat;* nec ob alterius cuiuscunq; Provincie delictum, sive debitum (quod aliquando ex perversa con- fuetudine factum audivimus,) aliquod dam- num eis inferat. Secus autem agentibus statuit poenam his verbis: *Scituris hujusmo- di sacra constitutionis temporibus;* & etiam ipsis locorum Rectoribus, qui hoc vindicare neglexerint, restitutionem rerum ablatarum ab omnibus exigendam in quadruplum: *No- taq; infamia eis ipso jure irrogande, dignitate sua se carituros in perpetuum.*

Deinde statuit Ordinem, si quid con- 617 tra dictos privilegiatos emergat, his ver- bis: *Verum tamen, si item eis quispiam su- per aliquo negotio movere voluerit, hujus rei opione data Scholaribus, eos coram domino, vel Magistro suo, vel ipsius Civitatis Episcopo (quibus hanc jurisdictionem dedimus) conve- niat. Qui vero ad alium judicem eos trahere tenta-*

tentaverit (etiam si causa justissima fuerit) à tali conamine cadas. Hanc autem legem inter imperiales constitutiones, scilicet sub titulo: *No filius pro Patre, &c.* inferi iussitouſ. Datum apud Roncalias, anno Domini M C LVIII. mense Novemb. Sic Imperator.

618 In hac Authentica plura in considerationem veniunt, 1. ea verba, nec ob alterius cuiuscunq; Provincia delictum, quod scilicet jure municipali aliquam in ea Provincia specialitatem, aut exceptionem habet. 2. Perversam vocari consuetudinem, quando titulo consuetudinis, quā passim utantur quidam Judices civitatum, aut territoriorum, jus jurisdictionis sibi in Studiosos arrogant, 3. quod immunitatem Studiosorum lædentes, in quadruplum prodamno eis illato puniantur; ipso jure infra-

mes fiant, & suā dignitate in perpetuum careant. 4. Quod etiam si alias justissima fuerit, causā cadant, qui eis litem moverint super aliquo negotio, & coram alio iudice, quam competente, nimirum Academiæ vel Gymnasii, habentis privilegium instar Academiæ, convenerint; quale vi hujus Authenticae omnes Scholares habent, cum textus indefinite loquatur. V. Layman in c. Cum olim. 6. De confuetud. n. 6. Ubi exp̄s̄ habet, vi hujus Authenticae etiam in causis criminalibus Studiosos proprium Judicem habere. Et Philippus Braun. I. 2. tit. 2. de foro compet. ob generalem prohibitionem in cit. Authen. *Habita*, exp̄s̄ docet, quod Studiosus alterius jurisdictionis in se protogare non possit; quia *judex non Academicus jurisdictionis Academicā non est capax.*



## QVÆSTIO VI.

### IN TITULUM VI. DE JUDÆIS ET SACRÉNIS, EORUMQUE SERVIS.

619 **M**oc Titulo agitur de dupli-  
ci specie infidelitatis contra veram fidem Christi, quā, ut notat Vallensis h. t. n. 1. in DEUM peccatur, male colendo. Per infidelitatem hic non intelligimus eam, quæ opponitur fidei morali, quā quis præstat, quæ conformiter munericibus suis, vel promissis præstare debet; sed Catholicæ, per quam creditur, quidquid Romana Mater Ecclesia proponit omnibus fidelibus credendum, tanquam à DEO revelatum. Infidelitas sic accepta dividitur in *Paganismum, Judais-  
mum, & Heresim*. *Paganismus* est infidelitas, quā quis neutrum testamentum recognoscit, proindeque neque Judæorum, neque Christianorum scripturis assensum præbet. *Pagani* (qui olim ab Hebreis dicebantur *gentes*, modò à Christianis vocantur *gentiles*, & Ethnici) unde dicantur? multiplex est sententia. Philaster. lib. de heres. cap. 3. *Paganos* dictos existimat à Pagano quodam hujus nominis, filio Deucalionis, & Pyrrhæ; Isidorus lib. 8. Ethym.

*Zom. V.*

cap. 10. dictos tradit ex *Pagi*s Atheniensibus, ubi orti, delubra, & idola colebant. Beata hom. in Fer. 3. palm. existimat *Paganos* dictos esse à villis, quas Catini pagos dicunt: Quod longe distent à coelesti civitate. *Judaismus* autem est infidelitas, quā quis affectus, contradicit fidei Christianæ, non sub nomine Christiano, & tanquam Christianus credens Christum venisse, sed sub nomine Judæo, & credens Christum nondum venisse, sed venturum, sicut ex veteri testamento credebatur. *Heresis* vox græca est, quæ sonat sectionem, & deducitur à Verbo *Hærente*, id est *eligo*: Èò quod aliquam opinionem sectandam hæreticus eligit. 24. q. 3. cap. *heresis*. Et quidem ab initio dicebatur *heresis*, vel *secta*, quæcunque opinio, sive vera, sive falsa, quam quis in quacunque disciplina sequendam eligebat; imò Judæi Christianam Religionem vocabant *heresim*, juxta illud Pauli. Act. 24. Secundum *seitam*, inquit, quam dicunt *heresim*, sic de servio Patri, & DEO meo. Hodie vero ex usu Ecclesiæ, vox *heresis* versatur solum in materia fidei, & solum accipitur in malam partem, pro electione

R. 2

privata